



Broj/Број: 01/6-50-1-8-16/09
Sarajevo/Сарајево, 12. 5. 2009.godine

Z A P I S N I K

16. sjednice Komisije za ostvarivanje ravnopravnosti spolova, održane 12. 5. 2009. godine

Sjednici Komisije za ostvarivanje ravnopravnosti spolova (u daljnjem tekstu: Komisija), održanoj 12. 5. 2009., s početkom u 11 sati, prisustvovali su: Vinko Zorić, Jozo Križanović, Remzija Kadrić, Mirjana Malić, Halid Genjac i Savo Erić.

Odsustvovali su: Sead Jamakosmanović, te Jovan Todorović i Rifat Dolić zbog bolesti.

Sjednici je prisustvovala i Samra Filipović-Hadžiabdić, direktorica Agencije za ravnopravnost spolova BiH.

Sjednici je prisustvovao sekretar Komisije Davorin Semenik.

Za sjednicu je usvojen sljedeći

DNEVNI RED

1. Usvajanje Zapisnika 15. sjednice Komisije;
2. Razmatranje Strategije prevencije i borbe protiv nasilja u porodici u BiH za period od 2009. do 2011. godine, davanje mišljenja;
3. Ostala pitanja.

Ad. 1. Usvajanje Zapisnika 15. sjednice Komisije

Zapisnik 15. sjednice Komisije usvojen je jednoglasno, bez primjedbi.

Ad. 2. Razmatranje Strategije prevencije i borbe protiv nasilja u porodici u BiH za period od 2009. do 2011. godine, davanje mišljenja

Direktorica Agencije za ravnopravnost spolova BiH Samra Filipović-Hadžiabdić, predstavница predlagača Strategije, informirala je članove Komisije o značaju ovog dokumenta za BiH. S obzirom da je ova komisija upoznata s ovim dokumentom još u fazi nacrtu, te da su predstavnici Komisije učestvovali u njegovoj izradi kao članovi interresorne radne grupe, nije bilo rasprave, pa je, na prijedlog predsjedavajućeg Komisije, jednoglasno usvojeno slijedeće

MIŠLJENJE

- o Strategiji prevencije i borbe protiv nasilja u porodice u BiH za period od 2009. do 2011. godine

Parlamentarna skupština BiH primila je, 23.4.2009., Strategiju prevencije i borbe protiv nasilja u porodici u BiH za period od 2009. do 2011. godine.

Komisija za ostvarivanje ravnopravnosti spolova, na 16. sjednici, održanoj 12.5.2009., razmatrala je navedeni dokument predlagača Vijeća ministara BiH, pa je nakon rasprave jednoglasno odlučila:

- Komisija za ostvarivanje ravnopravnosti spolova podržava Strategiju prevencije i borbe protiv nasilja u porodici u BiH za period od 2009. do 2011. godine i konstatira da je Strategiju neophodno donijeti;
- Komisija predlaže Predstavničkom domu da usvoji Strategiju, sa sljedećim

z a k l j u č k o m

Obavezuje se Vijeće ministara BiH da najmanje jednom godišnje podnosi Parlamentarnoj skupštini BiH izvještaj o provođenju Strategije prevencije i borbe protiv nasilja u porodici u BiH za period od 2009. do 2011. godine.

Ad. 3. Ostala pitanja

a) Kontakt-parlamentarac u kampanji Vijeća Evrope

Član Komisije Mirjana Malić obavijestila je Komisiju da bi bilo potrebno i za ovu godinu imenovati kontakt- lice koje bi, u ime našeg parlamenta, koordinirala aktivnosti s Parlamentarnom skupštinom Vijeća Evrope u njegovoj kampanji pod nazivom: „Zaustavimo nasilje nad ženama u porodici“.

Na prijedlog Vinka Zorića, odlučeno je da se Kolegiju Predstavničkog doma uputi prijedlog ove komisije da se Mirjana Malić ponovo imenuje za kontakt- parlamentarku u ovoj kampanji, s obzirom da je upoznata sa tokom kampanje, a predstavljala je i naš parlament na izvještajnoj konferenciji o učešću u kampanji, u Beču 30. aprila 2008.

b) Radna grupa za pripremu izmjena i dopuna Izbornog zakona BiH

Sekretar Komisije upoznao je članove s dosadašnjim radom Radne grupe ove komisije za pripremu izmjena i dopuna Izbornog zakona BiH i s procjenom da bi ona mogla završiti rad do 25. maja, nakon čega bi prezentirala svoj izvještaj Komisiji kada bi se odlučilo o daljnjim aktivnostima u vezi s ovim pitanjem.

Komisija je ovu informaciju primila k znanju.

c) Pripreme za tematsku tačku dnevnog reda na sjednici Predstavničkog doma

Sekretar je informirao članove Komisije o pripremama za razmatranje Gender akcionog plana Vijeća ministara BiH i Preporuka UN CEDAW Komiteta na sjednici Predstavničkog doma, što je, na prijedlog Komisije, uvršteno u Orijentacioni radni plan Doma za 2009.godinu.

Predložio je da, uz navedene dokumente, poslanicima budu dostavljene i informacije o dosadašnjem toku njihovog provođenja koje bi izradila Agencija za ravnopravnost spolova BiH, kao i prijedlog zaključaka s rasprave, a što bi verificirala ova Komisija na narednoj sjednici, kao i da se rasprava predloži za jednu od sjednica Predstavničkog doma u junu.

Komisija je prihvatila iznesene prijedloge.

Time je realiziran dnevni red. Sjednica je završena u 11,45 sati.

SEKRETAR KOMISIJE

Davorin Semenik

PREDSJEDAVAJUĆI KOMISIJE

Vinko Zorić